

12 MARTIE
RUGACIUNEA 2
SF.CUVIOS
SIMEON NOUL TEOLOG
DE LA CONSTANTINOPOL

Моли́тва

Творе́ние преподо́бнаго Нико́дима Святогору́ца

О богоно́сный и христоно́сный и духоно́сный
о́тче Симео́не, Но́вый Богосло́ве, преподо́бных
похвало́, иерее́в сла́во, богосло́вов усажда́ние,
моли́твы у́мныя учи́телю, Бо́га просла́вльший и
от Бо́га просла́вленный в жити́и твоём, па́че же
по сме́рти, земный а́нгеле и небе́сный челове́че,
радо́сте духо́вная и душе́вное весе́лие нам,
смирённым твои́м рабо́м и недостойным твои́м
сыно́м, со благоговéнием и любóвию
пра́зднующим свяще́нную и светоно́сную па́мять
твою́! Приими́ песнь сию́, ю́же прино́сим ти я́ко
да́р ничто́жный и малéйший, за вели́кия
благода́тныя да́ры, ихже вси́ наслади́хомся,
приéмше я́ от тебе́, из кни́ги свяще́нных словéс
твои́х, и не отве́ржи сию́, я́ко твоего́

великолѣпія недостойну: отнюд бо немощни есмы, еже достойно восхвалити тя, толикаго богослова велія. И в житий сем сохраняй нас молитвами твоими от всякаго вреда душевнаго и телеснаго, видимых же и невидимых враг, моля непрестанно Иже в Троице Бога, да сподобит и нас, смиренных, таинственно ощутити посреде сердца нашего умная действия божественныя благодати Святаго Духа, юже погубихом, увы! нерадением нашим и страстьми; в будущем же вѣце избави ны твоими сильными ходатайствы от страшнаго осуждения и муки вѣчныя, и сподоби нас вѣчнаго блаженства во Христѣ Иисусе, Господе нашем, Емуже подобает всякая слава, честь и поклонение, со безначальным Его Отцем и Пресвятым и Животворящим Его Духом, ныне и присно и во веки веков. Аминь.